

COMISIÓN INFORMATIVA DE COOPERACIÓN, INFRAESTRUTURAS E MEDIO RURAL

ACTA da mencionada comisión informativa, correspondente ao día **21 de setembro de 2022**
Ás 18.10 horas do día 21 de setembro de 2022, réunese a comisión informativa de Cooperación, Infraestruturas e Medio Rural, na sala de xuntas da Deputación Provincial, coa asistencia dos seguintes deputados e deputadas:

Presidente: D. Pablo Pérez Pérez

Deputados/as do Grupo Popular:

D.^a Ana Patricia Torres Madureira

D.^a Ana María Villarino Pardo

D.^a Consuelo Vispo Seara

D. Jorge Pumar Tesouro

Deputados/as do Grupo Socialista:

D.^a Elvira Lama Fernández

D. Aurentino Alonso Araújo

D.^a Rosario Rodríguez Delgado

Deputado de Democracia Ourensana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa

Secretario: D. Juan Marquina Fuentes

Interventor: D. José Mosquera Casero

Non asiste o deputado do Grupo Popular don Álvaro José Fernández López (substituído por dona Ana María Villarino Pardo) nin o deputado do Grupo Popular don Miguel Antonio Cid Álvarez (substituído por dona Consuelo Vispo Seara).

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 20 DE XULLO DE 2022.-

Pola Secretaría Xeral deuse traslado do borrador da acta anterior, correspondente á ordinaria do día 20 de xullo de 2022.

Non se producen intervencións e por maioría a comisión adopta o seguinte acordo:

Aprobar a acta da sesión ordinaria da Comisión Informativa de Cooperación, Infraestruturas e Medio Rural do día 20 de xullo de 2022, conforme co borrador elaborado pola Secretaría Xeral.

2º BASES REGULADORAS DO PROGRAMA ESPECIAL DE COOPERACIÓN ÁS OBRAS PROMOVIDAS POLO CONCELLO DE OURENSE (2022-2023)

O presidente da comisión expón o contido do expediente.

D. Bernardo Varela López, do BNG, indica que a proposta que presenta o grupo de goberno é unha cooperación co Concello, cuxo único fin é ampliar a posibilidade de que as obras se poidan executar durante unha anualidade máis. O cofinanciamento da Deputación non chega ao 0,1% do total e utilízase como artimaña para poder incorporar o crédito das obras ao exercicio seguinte, aínda que parece ser que o interventor do concello non o ve así. Sen entrar a valorar se as obras propostas no plan son máis ou menos necesarias para o Concello de Ourense, sinala que o seu grupo se vai abster ante o que considera unha artimaña política para intentar executar obras.

D. Armando Ojea Bouzo, de DO, intervén para darlle as grazas ao grupo de goberno por presentar esta colaboración co concello de Ourense e pide o voto favorable de todos os grupos xa que se trata de obras importantes para a cidade.

D.^a Rosario Rodríguez Delgado, do Grupo Socialista, sinala que a proposta do plan indica expresamente que o obxecto é articular a cooperación e asistencia económica da Deputación a obras promovidas polo Concello de Ourense, pero que isto é simplemente unha argucia administrativa para salvar ao soldado que dirixe o concello e ao oficial que ten ao seu lado.

O **presidente da comisión** di que esta cooperación xa se fixo co concello en exercicios anteriores, e que é unha ferramenta perfectamente legal.

Non se producen máis intervencións e co voto favorable do Grupo Popular (5), de DO (1) e da deputada non adscrita e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente as bases reguladoras do Programa especial de cooperación ás obras promovidas polo Concello de Ourense (2022-2023), co seguinte teor literal:

1º) Obxecto.

Constitúe o obxecto do presente Programa Especial de Cooperación ás obras promovidas polo Concello de Ourense (2022-2023), articular a cooperación e asistencia económica desta deputación ás obras, todas elas de competencia municipal, promovidas polo Concello de Ourense, que de seguido se detallan:

NÚM.	DENOMINACIÓN	IMPORTE
1	Proxecto de mobilidade vertical e humanización da rúa Nicomedes Pastor Díaz	1.667.122,20 €
2	Proxecto constructivo de elevación vertical na cruz alta	1.084.816,07 €
3	Proxecto de mellora da accesibilidade e mobilidade na rúa Rosalía de Castro	1.827.811,19 €
4	Proxecto de demolición do edificio do antigo matadoiro municipal de Ourense	933.401,80 €
5	Proxecto de renovación de alumeadado público do Paseo das Ninfas	571.834,32 €
6	Proxecto básico e de execución de rehabilitación integral do Xardín do Posío	2.784.844,78 €
7	Proxecto básico e de execución de reforma dos espazos termais de Canedo (Outariz 77) e Outariz	230.530,86 €
8	Proxecto de reforma para adaptación á Lei de Regulación do Aproveitamento lúdico das augas termais de Galicia e mellora da accesibilidade na terma das Burgas	576.492,86 €
TOTAL		9.676.854,08 €

2º) Cadro de financiamento.

1. O Programa cofinanciarase na súa integridade pola Deputación Provincial de Ourense e o Concello de Ourense. A achega da Deputación Provincial para o total do Programa será de 8.000,00 € (1.000,00 € para cada unha das actuacións indicadas), imputándose á aplicación orzamentaria 450.12/619.02 do orzamento xeral.

2. No caso de remanentes como consecuencia de posibles baixas na adxudicación do/s contrato/s respecto do/s tipo/s de licitación, os referidos importes detraeranse da achega municipal ao presente Programa. Igualmente serán por conta do Concello as variacións do/s prezo/s do/s contrato/s como consecuencia de eventuais modificacións neles.

3º) Tramitación do Programa.

1. O Programa inicialmente aprobado someterase a un período de información pública polo prazo de dez (10) días hábiles, de conformidade co previsto no *artigo 10.2 da vixente*

Ordenanza xeral de subvencións da Deputación Provincial de Ourense (BOP núm. 260 de data 12.11.2015).

Unha vez aprobado o Programa definitivamente polo Pleno da Deputación, ou elevada a definitiva a aprobación inicial en ausencia de alegacións, a Presidencia fará pública esta circunstancia mediante anuncio inserido no Boletín Oficial da Provincia, iniciándose o prazo de execución.

2. As modificacións relativas ás obras municipais que teñan que tramitarse a instancias do Concello de Ourense logo da aprobación definitiva do Programa (tales como modificacións dos orzamentos das obras que afecten exclusivamente ás achegas municipais, cambios na denominación das obras, incorporación e baixa de obras do plan,..), serán autorizadas por acordo da Xunta de Goberno provincial, sempre que non impliquen incremento do financiamento global do Programa por parte da Deputación. No caso de que supoñan un incremento da achega provincial, a competencia será do Pleno da Deputación.

4º) Execución do Programa.

1. A competencia para a execución das obras comprendidas no Programa, corresponderalle ao Concello de Ourense mediante a contratación das ditas obras a través dos procedementos e co réxime establecido para a contratación de obras públicas na vixente lexislación de contratos do sector público.

En ningún caso poderá acordarse a execución por administración das obras financiadas con cargo ao presente programa.

2. Os contratos administrativos que subscriba o Concello para a execución das obras deberán ser adxudicados e formalizados con data límite 30.06.2023. A execución das obras relacionadas no Programa, deberá rematar antes do 31 de decembro de 2023; non obstante o anterior, e sempre que concorra causa xustificativa suficiente, e que os créditos correspondentes poidan ser incorporados ao exercicio orzamentario seguinte, previa solicitude do Concello antes da data anteriormente indicada, poderá acordarse a prórroga do prazo das actuacións incluídas no Programa, polo tempo indispensable para o seu remate, e con data límite en todo caso 30.11.2024. A dita prórroga será acordada, se procedese, por decreto da Presidencia.

3. A contratación dos servizos ou a designación dos técnicos que desempeñen as tarefas de redacción de proxectos, dirección facultativa ou a coordinación de seguridade e saúde nas obras municipais, realizarase polo concello.

4. Será obriga do Concello de Ourense instalar un cartel indicador en cada unha das obras onde conste o cofinanciamento da Deputación de Ourense.

5º) Execución e xustificación das obras.

1. O Concello será o responsable da execución das obras, o que inclúe a súa contratación, dirección, execución e seguimento. A Deputación de Ourense unicamente asume a obriga de cofinanciar as obras solicitadas.

2. Para a xustificación da execución do programa, o Concello deberá presentar no Rexistro electrónico xeral da Deputación Provincial, dentro do mes seguinte ao prazo do remate de execución das obras, a seguinte documentación, para cada unha das obras incluídas no Programa de cooperación:

- Certificado expedido pola persoa que teña ao seu cargo o desempeño das funcións de intervención do Concello, no que se fagan constar os seguintes extremos:
 - a) Relación de contratos formalizados con cargo á subvención, indicando o seu obxecto, importe e contratista, e que se cumpriu a finalidade para a que foi concedida a subvención
 - b) Contía do gasto que foi obxecto de recoñecemento da obrigación.
- Declaración do importe das subvencións ou axudas públicas concedidas para o financiamento dos contratos de obra subvencionados.
- Certificación da conta corrente do Concello para a realización do pagamento da subvención.
- Fotografías do estado final das obras e do cartel das obras onde se indique o cofinanciamento por esta Deputación.

3. Unha vez recibida a documentación antedita para cada unha das obras, a Deputación de Ourense procederá á tramitación do expediente de xustificación, correspondéndolle a instrución ao Servizo de Investimentos, Contratación e Patrimonio, que solicitará informe da Área de Infraestruturas de comprobación material da execución das obras. No caso de que a documentación presentada estivese incompleta ou incorrecta, ou as obras non estean completamente executadas, requiriráselle ao Concello de Ourense para a emenda das deficiencias documentais ou materiais advertidas. No caso de emenda de deficiencias materiais nas obras, esta só poderá levarse a cabo dentro do seu prazo máximo de execución. Concluída a instrución do expediente, o Servizo de Investimentos, Contratación e Patrimonio formulará a proposta de resolución que proceda, remitíndoselle á Intervención para a súa fiscalización e posteriormente á Presidencia para resolución.

6ª) Obrigas do beneficiario:

Con carácter xeral, o concello beneficiario asumirá todas as obrigas impostas pola Lei xeral de subvencións. En particular, quedará suxeito ás obrigas de control financeiro e reintegro nos casos previstos nestas bases e na lexislación vixente.

7º) Réxime xurídico.

O presente Programa provincial de cooperación apróbase ao abeiro do sinalado no *artigo 10 da vixente Ordenanza xeral de subvencións da Deputación de Ourense*, regulándose no que non estea previsto nestas bases, pola antedita Ordenanza e pola normativa de subvencións aplicable á Deputación Provincial, así como pola lexislación aplicable en materia de réxime xurídico das administracións públicas e procedemento administrativo común.

2º.- Someter a trámite de información pública, mediante anuncio publicado no Boletín Oficial da Provincia de Ourense, e na sede electrónica da Deputación, as bases inicialmente aprobadas polo prazo de 10 días hábiles, durante os cales as entidades interesadas poderán formular as alegacións ou suxestións que consideren oportunas, que deberán ser resoltas motivadamente no acto de aprobación definitiva.

No caso de non formularse alegacións en prazo, entenderanse automaticamente aprobadas as bases de forma definitiva, procedendo á súa publicación no Boletín Oficial da Provincia.

3º.- MOCIÓN DE URXENCIA.- Non se presentan.

4º.- ROGOS E PREGUNTAS.- Nesta quenda prodúcense as seguintes intervencións:

D. Aurentino Alonso Araújo, do Grupo Socialista, indica que durante o verán nos concellos de Trives, Manzaneda e Castro Caldelas, houbo diferentes retrasos na recollida de lixo en varios contedores, o que engadido ás altas temperaturas produciu situacións bastante incómodas nestes concellos. Pide que se lle informe dos motivos e se xa se corrixiu esta situación.

O **presidente da comisión** indica que conseguirá a información e que lle contestará por escrito.

D. Aurentino Alonso Araújo, do Grupo Socialista, pregunta tamén sobre o afirmado no pleno de xullo respecto a unha nova reunión coas administracións implicadas coa mercantil CUPA, para tratar de solucionar a situación da estrada provincial de acceso a San Vicente de Leira e pide que se lle informe se hai novidades ao respecto.

O **presidente da comisión** indica que o 31 de agosto remitiu unha solicitude ao director xeral de Minas para ter unha reunión sobre este asunto, solicitude que foi reiterada no día de onte e á que espera unha rápida resposta.

D.^a Elvira Lama Fernández, do Grupo Socialista, sinala que en 2017 veciños de Faramontaos no Concello de Xinzo presentaron un escrito solicitando a instalacións de canles na estrada provincial que une Moreira e Faramontaos, indica que se lles contestou desde a Deputación que se estudaría a posibilidade destas instalacións, pero que a día de hoxe non hai ningunha novidade, por isto pregunta se é necesario presentar unha nova solicitude ou se se vai tramitar a presentada no ano 2017.

O **presidente da comisión** sinala que conseguirá a información na Área de Infraestruturas e que lla facilitará.

D. Bernardo Varela López, do BNG, sinala que hai uns días tivo ocasión de asistir a unha charla informativa cos representantes do Ministerio sobre o impacto da nova lei de residuos nos concellos. Indica que as obrigacións para os concellos de máis de 5.000 habitantes van ser moitas, ademais dun incremento de case o dobre no prezo da tonelada non separada que recollen os concellos. Pregunta se a Deputación Provincial vai adoptar algunha medida para axudar aos concellos ante as novidades que se aveciñan.

O **presidente da comisión** sinala que se reunirá con responsables da Área de Medio Ambiente e que tratará de darlle resposta, en todo caso engade que a Xunta de Galicia solicitou un aprazamento da entrada en vigor desta obrigación e que se está á espera de contestación.

D.^a Rosario Rodríguez Delgado, do Grupo Socialista, sinala que hai un ano que se expuxo a necesidade de instalar canles redutores de velocidade na estrada provincial OU 1013 ao seu paso polo Concello de Oímbra. Indica que aínda non se instalou ningún elemento redutor de velocidade e que se trata dunha recta onde moitos vehículos pasan a gran velocidade, co conseguinte perigo.

O **presidente da comisión** contesta que conseguirá a información na Área de Infraestruturas, pero que a instalación de canles non é sinxela, xa que as estradas deben cumprir unha serie de requisitos que a maior parte das estradas municipais e provinciais non cumpren.

E ás 18.30 horas dáse por finalizada a reunión, redactándose a presente acta que se asinará electronicamente. Dou fe.

